

Գ Լ Ո Ւ Խ Ծ Դ .

Գործք տեղակալաց . Պարտք աթոռոցն Երուսաղէմի և թշուառութիւն նորա : Յովհաննէս վարդապետ Բողոքեցի և Երայշաւարութիւն նորա : Պարբերակցի Յովհաննէս : Ընտրութիւն Գրեգոր վարդապետի և բաժանումն Պատրիարքութեան Երուսաղէմի :

**Ա**ՐԴ՝ յետ միաւորելոյ զպատրիարքութիւնն Երուսաղէմի ընդ պատրիարքութեան Կոստանդինուպօլսոյ, Պապա վէքիլ Նազր Ղապղիմալ անուամբ եկեալ տեղակալէին աստ յերուսաղէմ, և գործէին զանասելի չարիս, որպէս երկար զրէ ցաւազին բանիւք Հաննա վարդապետ ակառնատես :

Եւ 'ի լինիլ այսմ այսպէս՝ զտուրս ողորմութեան ուխտաւորաց, որք կամէին զնալ յերուսաղէմ, առնուին անդ 'ի Կոստանդինուպօլիս, և և տային թուղթ 'ի ձեռս նոցա, թէ վճարեաց աստ զպարտաւորութիւն իւր : Եւ զի գնէին ոմանք իբրեւ զՄուխաթայ զտեղակալութիւնն զայն, և 'ի հասանիլ ուխտաւորաց յերուսաղէմ՝ Գործակալք տեղոյն որոց չեւ եւս էր լրացեալ պայմանեալ ժամանակն, բռնութեամբ առնուին 'ի նոցանէ՝ զոր ինչ և կամէին . ամին իրի սկսաւ նուազիլ թիւ ուխտաւորաց ամ յամէ : Եւ երբեմն առաքէին զիտխանակագիրս՝ զի Տեղակալք վճարեսցեն զայն յայլուստ եկեալ ուխտաւորաց . եւ երբեմն յղէին անդ զաղգականս և զծանօթս իւրեանց՝ որդւովք և ընտանեօք, որք բազումք 'ի նոցանէ այն ինչ զերծեալք 'ի բանախց և 'ի կասպանաց . և երբեմն եւս զքահանայս ոմանս վարակեալս տղիտութեամբ՝ վարել զպաշտօն Պատրիարքի, և իւրաքանչիւր ամի տային բերել զկոնդակս յերուսաղէմէ լցեալս ամենապատիկ ստութեամբ, և ընթեռնուին յեկեղեցիս հանդերձ ծանուցմամբ յատենի, թէ 'ի ձեռն Տեղակալաց մերոց զայս քան բարիս արարաք տանն Ս . Յակոբայ . իսկ ընդ հակառակն՝ 'ի հասանիլ նոցա յերուսաղէմ, բռնացեալ 'ի վերայ միաբանաց տառապէին զնոսս, և խոնարհեցուցանէին 'ի կամս իւրեանց . իշխէին տիրաբար 'ի վերայ եկեղեցական դասուց, սկսեալ յենպիսկոպոսէ՝ մինչեւ ցաղքատ